

書名 司馬文正公集略三十一卷詩集七卷 嘉靖四年序刊本  
撰者 宋 司馬光 撰  
卷 卷一  
內容分類 集 別集 北宋  
索書號 大木 集部 別集類 16  
編號 D7231700

# 卷一



## 彩色首頁1

[東洋文化研究所漢籍目錄 編號: D7231700](#)

[東洋文化研究所漢籍目錄所藏漢籍善本全文影像資料庫 索書號: 大木 集部 別集類 16](#)

[漢籍善本全文影像資料庫文本 司馬文正公集略三十一卷詩集七卷 嘉靖四年序刊本](#)

[版權所有: 東京大學 東洋文化研究所](#)

[使用上的注意事項](#)

右臣竊恐戎狄聞之得以闕將帥之淺深益有輕  
非所以壯皇威鎮殊俗也伏望朝廷治方平之  
論張方平狀  
嘉祐六年十一月十四日上  
西夏點兵侵犯邊境惶擾失度閉門棄城移牒鄰  
自救永興以西軍馬皆被抽發使近邊之民轉相  
隴騷然乃飛奏上聞致朝廷憂疑已而接省皆無  
平身為元帥繫一方安危舉措施為衆所瞻倚今  
臣竊恐戎狄聞之得以闕將帥之淺深益有輕  
非所以壯皇威鎮殊俗也伏望朝廷治方平之





司馬文正公詩集

成





東坡先生詩集卷之一

古賦

交趾獻奇獸賦

嘉祐三年八月二十七日

四庫全書

新刊

皇帝御天下三十有六載化洽於人德通於神邇無不協  
遠無不臻粵有交趾來獻麒麟其為狀也熊頸而鳥喙豨  
首而牛身犀則無角象而有鱗其力甚武其心則馴蓋遐  
方異氣之產故圖謀靡得而詢於是降輶車之使發旁縣  
之民除塗於林嶺之隘引舟於江淮之濱曠時月而涉萬  
里然後得入覲于中宸與夫雕題卉服之士南金象齒之  
珍款紫闥而盆入充彤庭而並陳於是群公卿士百僚庶  
尹儼然垂紳薦笏旅進而稱曰陛下功冠邃古化侔儀極



恭承神祇嚴奉宗稷純孝承烝小心翼翼出入起居不忘於訓曲進退周旋必咨於軌則體文王之卑服遵大禹之菲食宮室觀臺無龔刻之華輿馬器用無珠玉之飾遊必備於法駕燕不廢於朝夕此皆帝王所不能爲而陛下行之尚不忘於怵惕是以方內乂寧黎民滋殖垂髻之童耳皆習於詩禮戴白之叟目不睹夫金草至於根著浮流跋行喙息無不翔舞太和涵濡茂澤此殊俗所以響臻靈馭所以來格雖漢室之初黑鶻貢於絕徼周家之隆白雉通於重譯殆不足方也臣等謂宜命協律播之聲歌詔太史編之簡策以發揮不世之鴻休張大無倫之不績不亦偉乎皇帝乃穆然深思愀然不怡曰吾聞古聖人之治天下

也正心以爲本修身以爲基閭門睦而四海率服朝衆和而羣生悅隨故務其近不務其遠急其大不急其微今邦雖康未能復漢唐之宇俗雖阜未能追堯舜之時况物尚疵癘而民猶怨咨朕何敢以未治而忘亂未安而忘危享四方之獻當三靈之釐且是獸也生嶺嶠之外出沮澤之湄得其來吾德不爲之大縱其去吾德不爲之虧柰何令其琛賫之美悅其鱗介之竒容其欺給之語聽其諂諛之辭以惑遠近之望以爲蠻夷之嗤不若以迎馭之勞爲迎士之用養馭之費爲養賢之資使功烈烜赫聲明歲蕤廢耳目一日之玩爲子孫萬世之規豈不美歟於是群臣拜手稽首咸曰此盛德之事臣等愚戆所不及陛下誠有意



於此臣等敢不同心竭力對揚而行之皇帝於是御極樸  
之篇觀大畜之繇延黃髮之儒顯巖穴之秀善有可旌無  
間於幽遠言有可采不棄於微陋位匪德而不升官無能  
而不授使稷契居左臯夔立右伊呂在前周召侍後相與  
講經藝之淵源覽皇王之步驟求大化之所未孚訪惠澤  
之所未究興民之利若瘳夫飢渴除民之害若憂夫疾疫  
賜予簡而功無所遺刑罰清而姦無所漏浮費省而物不  
屈於求湏苛役蠲而農不妨於耘耨使之夏有葛而冬有  
裘居有倉而行有糗絲續之饒足以養其老且脆之餘足  
以慈其幼地不加廣而百姓足賦不加多而縣官富道塗  
之人恥爭而喜讓閭閻之俗弃漓而歸厚戶知禮義之方

入享期頤之壽然後旃裘之長頰頽而龍書服祝髮之渠回  
面而奔走靡不投利兵而襲冠帶焚僭服而請印綬於是  
三光澄清萬靈敷佑風雨時若百稼豐茂休氣充塞殊祥  
輻轉甘露霖霖於林薄醴泉感沛於菽實華莖羅植於堦  
阼朱草叢生於庭靈鳳凰長離駢枝而結巢黃龍騶虞  
友而爲畜由是觀之則彼裔夷之凡禽瘴海之怪獸皮不  
足以備車甲肉不足以登俎豆夫又何足以耗水衡之芻  
而汙百里之囿者哉

稷下賦

齊王樂五帝之遐風嘉三王之茂烈致千里之奇士總百  
家之偉說於是築鉅館臨康衢盛處士之遊壯學者之居



美矣哉高門橫閭夏屋長檐躡壘明潔几杖清嚴爾乃雜  
 佩華纓淨冠素履端居危坐規行矩止相與奮髯橫議投  
 袂高談下論孔墨上述羲炎樹同拔異辨是分非榮譽樵  
 林為之翦蔚訾毀程美化為瑕玼譬若蘭芷蒿莎布濩於  
 雲夢之如鴻鵠鴝鷄鼓舞於渤海之涯於是齊王沛然來  
 遊欣然自喜謂稷下之富盡四海之美慨乎有自得之志  
 矣祭酒荀爽進而稱曰吾王闢仁義之塗殖詩書之林安  
 人之慮廣致治之意深然而諸侯未服四鄰交侵士有行  
 役之怨民有愁痛之音意者臣等道術之淺薄未足以稱  
 王之用心故也王曰先王之責寡人深矣願卒聞之對曰  
 臣聞之珉珉亂玉魚目間珠泥沙漲者其泉恩良莠茂老

其穀蕪網者棄網而失叙行者多歧而喪涂今是非一弊  
 邪正同區異端角進大道羈孤何以齊蹤於夏商繼軫於  
 唐虞誠能撥去浮末敦明本初修先王之典禮踐大聖之  
 規模德被品物威加海隅忠正修列讒邪放踈行其言不  
 必飽其腹用其道不必煖其膚使臣飯粱齧肥而餐驕君  
 之祿不若荷鋏秉來而為堯舜之徒惜夫美食華衣高堂  
 閑室鳳藻鷓義豹文麋質誦無用之言費難得之日民未  
 治不與其憂國將危不知其失臣竊以大王為徒慕養賢  
 之名而未覩用賢之實也已

靈物賦 元豐元年六月  
二十七日作

有物於此制之則留縱之則去卷之則小舒之則鉅守之



詩集卷之二  
有主用之有度習之有常養之有素譽之不喜毀之不怒  
誘之不遷脅之不懼吾不知其何物聊志之於茲賦

司馬文正公詩集卷之二

司馬文正公詩集卷之二

古詩

贈邵興宗

窮達有常分得喪難豫言古今浩茫茫倚伏安可原軒裳  
彼自榮舉俗同崩奔錙銖校重輕水火殊涼溫君子固無  
愧立身明本根度矩苟不愆寵辱徒喧喧有如清濟流橫  
貫長河渾景公馬千駟南面雄東藩陶青劉全徒位為丞  
相尊當時非不顯磨滅何足論顏回在陋巷藜藿甘盤餐  
原憲結弊衣蓬蒿塞其門當時豈不窮至今榮名存況君  
齒方壯德業素所敦安知榻翅歸不作凌雲翻要之白首  
期壯烈施元元為君畫善策灑掃清前軒長舒四五榻容